

Na osnovu člana 32. Zakona o javnim nabavkama Bosne i Hercegovine („Službeni glasnik BiH „ broj:39/14), Odluke o izboru najpovoljnijeg ponuđača broj 04-11-2407/20-2 od 03.08.2020.godine, Sporazuma o zajedničkom pokretanju javne nabavke broj: 06-380/20 od 04.06.2020. godine a nakon provedenog otvorenog postupka javne nabavke za **izgradnju kružne raskrsnice na raskrsnici ulica Ibrahima Ljubovića-M17-Bosanskih gazija** , zaključen je:

OKVIRNI SPORAZUM

UGOVORNE STRANE:

OPĆINA ILIDŽA , ul. Butmirska cesta br.12, PDV-broj: 200319720000, transakcijski račun broj 3380002212095548 kod UNICREDIT banke koju zastupa općinski načelnik prof.dr. Senaid Memić,(u daljem tekstu: Naručilac),

DIREKCIJA ZA PUTEVE KANTONA SARAJEVO, Ministarstvo saobraćaja, ulica Hamida Dizdara broj 1 Sarajevo, koju zastupa direktor Selmir Kovač(u daljem tekstu: Naručilac)

i

MEVLUDIN COMMERC doo, ul.Zeleni put 39, Ilidža, PDV broj: 200479500006, transakcijski račun broj 1940025518200117 kod ProCredit Banke koje zastupa direktor Bučan Zahir, (u daljem tekstu : Izvođač).

Član 1.

Ovim okvirnim sporazumom ugovorne strane regulišu realizaciju nabavke **JN broj 73/20** Izgradnja **kružne raskrsnice na raskrsnici ulica Ibrahima Ljubovića-M17-Bosanskih gazija**, u skladu sa zahtjevima definisanim u tenderskoj dokumentaciji.

Član 2.

Okvirni sporazum se odnosi na **MEVLUDIN COMMERC doo** kojem je dodijeljen ugovor u provedenom otvorenom postupku na osnovu Odluke o dodjeli ugovora najpovoljnijem ponuđaču broj 04-11-2407/20-2 od 03.08.2020.godine.

Član 3.

Okvirni sporazum se zaključuje na period od 12 (dvanaest) mjeseci računajući od dana potpisivanja okvirnog sporazuma, odnosno do maksimalne finansijske vrijednosti od 624.221,39 KM bez PDV-a.

Ponuda Izvođača sa predmjerom i predračunom radova je sastavni dio ovog sporazuma.

Ugovorene strane su saglasne da je utvrđena cijena za radove, fiksna i nepromjenljiva. Ugovorna cijena sadrži kompletne troškove koji su u vezi sa izvršenjem ugovornih obaveza iz ovog ugovora uključujući sve neposredne i posredne troškove potrebne za izvršenje radova

Član 4.

U okviru perioda navedenog u članu 3. za pojedinačne ugovore neće se primjenjivati odredbe propisa kojim se uređuje postupak javne nabavke.

Član 5.

Na osnovu ovog okvirnog sporazuma ugovorne strane će zaključiti pojedinačne ugovore kojim će bliže regulisati prava i obaveze za realizaciju ovog okvirnog sporazuma čija finansijska vrijednost odnosno period trajanja maksimalno može biti do iznosa i perioda utvrđenog u članu 3. ovog sporazuma, a što će zavisiti od potreba i interesa ugovornog organa.

U skladu sa datom ponudom izvođača naručilac plaćanje za izvršene radove ne smije izvršiti prije protoka 90 dana od dana dostavljanja računa.

Pojedinačne nabavke odnosno ugovor obavezno će biti pod uslovima utvrđenim u tenderskoj dokumentaciji i prihvaćenoj ponudi. Za sve što nije regulisano ovim okvirnom sporazumom ili pojedinačnim ugovorima sklopljenim na temelju ovog okvirnog sporazuma primjenjivat će se odgovarajuće odredbe Zakona o obligacionim odnosima.

Član 6.

Odredbe ovog okvirnog sporazuma ne mogu se mijenjati nakon njegovog zaključenja.

Član 7.

Izvođač je dužan u roku od 7 dana od dana zaključenja okvirnog sporazuma, dostaviti bezuslovnu garanciju poslovne banke za dobro izvršenje posla u visini od 10% od ugovorene vrijednosti okvirnog sporazuma, sa rokom važnosti: trajanje okvirnog sporazuma + 30 dana

Izvođač je obavezan nakon realizacije ugovora zaključenog na osnovu okvirnog sporazuma a prije isplate konačne situacije dostaviti **bezuslovnu bankovnu garanciju za garanciju** za izvedene radove u vrijednosti od 10% izvedenih radova, sa rokom važnosti, 2 (dvije) godine plus trideset dana ,računajući od tehničkog prijema radova

Član 8.

Sve eventualne sporove ugovorne strane će rješavati mirnim putem, a ukoliko to nije moguće, za rješavanje spora nadležan je sud u Sarajevu.

Ugovorne strane su saglasne da Izvršilac ugovora nema pravo zapošljavati u svrhu izvršenja ugovora fizičke i pravne osobe koje su sudjelovale u pripremi, tenderske dokumentacije ili su bile član ili stručna osoba koju je angažirala Komisija za nabavke u postupku koja je prethodio ovom ugovoru, najmanje šest mjeseci po zaključenju ugovora.

Član 9.

Ukoliko izvođač ne dostavi bankovnu garanciju za dobro izvršenje posla u roku navedenom u članu 7. ovog sporazuma, Okvirni sporazum se smatra apsolutno ništavim.

Član 10.

Okvirni sporazum sačinjen je u 8 primjeraka od kojih Općina Ilidža zadržava 4, a Direkcija za puteve KS i Izvođač po 2 primjerka.


NARUČIOCI
DIREKCIJA ZA PUTEVE KS

Direktor
Selmir Kovač

Broj: 04-11-17335

Datum: 04.09.2020


NARUČIOCI
OPĆINA ILIDŽA

Općinski načelnik
prof.dr. Senaid Memić

Broj: 06-697/20

Datum: 28-08-2020


IZVOĐAČ
MEVIMUN COMMERCIAL

Direktor
Bučan Zahir

Broj: 21-09/20

Datum: 09.09.2020

